



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipality of Kaçanik

01Nr. 16-9725/2016
Kaçanik, 29.04.2016

Në bazë të nenit 12, 17(e) të Ligjit Nr.03/L-040- Për Vetëqeverisjen Lokale(Gazeta Zyrtare Nr. 28 e datës 4 qershor 2008), lidhur me nenin 19 paragrafi 3 të Ligjit Nr. 03/L-233- Për Mbrojtjen e Natyrës (Gazeta Zyrtare Nr. 85 e datës 9 nëntor 2010), të nenit 6 lidhur me nenin 34.5 e Statutit të Komunës së Kaçanikut, si dhe Rekomandimit të Agjensionit për Mbrojtjen e Mjedisit në Kosovë Nr.3644/15, të datës 14.07.2015, i cili vepron në kuadër të MMPH, Kuvendi i Komunës Kaçanik, në mbledhjen e vet të mbajtur me datë 29 prill 2016, merr këtë:

V E N D I M
PËR MBROJTJEN E VLERËS SË NATYRËS SHPELLA E SHULLANIT NË SLLATINË TË
KAÇANIKUT SI MONUMENT I NATYRËS

1. Me këtë Vendim merret nën mbrojtje vlera e natyrës **Shpella e Shullanit** në fshtin Sllatinë të Kaçanikut si monument i natyrës i karakterit speleologjik (këtu e tutje: Monumenti i Natyrës).
 - 1.1. Monumenti i Natyrës me hapësirën përfshirëse të zonës buferike prej 10m përfshinë sipërfaqen prej **1 hektarë**.
 - 1.2. Monumenti i Natyrës nuk është hulumtuar gjer më tani. Në hyrje ka një korridor të ngushtë për të vazhduar më tutje në një korridor prej 6m, ku nuk mund të vazhdohet më tutje për shkak të ngushtimit të kanaleve, në të cilat nuk mund të depërtohet pa paisje speciale speleologjike.
2. Monumenti i Natyrës gjendet në fshatin Sllatinë, shtrihet në një kodrinë përgjatë anës së djathtë të lumit Lepenc, Zona Kadatrale Sllatinë, në lartësinë mbidetare 613m, koordinatat LAT: 42.267256, LONG: 21.169625, parcela nr. 410-0, P.SH. Ekonomia e Pyjeve, me sipërfaqe 45628m², me kulturë mal i klasit 6.
3. Monumenti i Natyrës sipas IUCN - it kategorizohet si vlerë e natyrës e kategorisë së III – të, Natural Monument / Natural Landmark – Monument i Natyrës.
4. Për Monumentin e Natyrës përcaktohet regjimi mbrojtës i shkallës së III-të, të mbrojtjes në të cilën përcaktohen masat dhe kushtet vijuese me të cilat:
 - 4.1. Në Monumentin e Natyrës ndalohet:
 - 4.1.1. Dëmtimi, shkatërrimi, bartja e shtresimeve të mineraleve ose fosileve, bota e gjalle e objektit speleologjik, gjetjet arkeologjike, fosileve dhe gjetjeve tjera, ndryshimi i kushteve të vendbanimit në objekt mbi të dhe në afërsi të drejtpërdrejtë të tij
 - 4.1.2. Për të gjitha aktivitetet në objektin speleologjik duhet të merret leja nga Ministria e veçanërisht për:
 - 4.1.2.1. Shfrytëzimi dhe rregullimi i objektit speleologjik dhe pjesëve të tij;
 - 4.1.2.2. Hapja dhe/ose mbyllja e hyrjes/ daljes në objektin speleologjik si dhe për ndërtimin, përtëritjen ose sanimin e çdo objekti nëntokësor,

- 4.1.2.3. Kryerja e hulumtimeve shkencore dhe profesionale,
- 4.1.2.4. Zhytja në objekt speleologjik,
- 4.1.2.5. Xhirimi i filmave në objektet speleologjike,
- 4.1.2.6. Punët dhe veprimtaritë të cilat ndikojnë në veçoritë themelore, në florën dhe faunën natyrore në objektin speleologjikose në/ mbi sipërfaqen e tij;
- 4.1.2.7. Vizitat e organizuara dhe fotografimi në objekt speleologjik,
- 4.1.3. Për kryerjen e hulumtimeve shkencore dhe profesionale, shoqatave speleologjike mund t'i lëshohet leja një (1) vjeçare;
- 4.1.4. Vendimi për leje përmban edhe kushtet për mbrojtjen e natyrës.

4.2. Në Monumentin e Natyrës lejohen:

- 4.2.1. Të gjitha masat e mbrojtjes së Monumentit të Natyrës nën kushtet të cilat i përcakton Instituti i Kosovës për Mbrojtjen e Natyrës dhe në bazë të Projektit për sanimin e gjendjes së Monumentit të Natyrës si dhe punët teknike të cilat janë në funksion të mbrojtjes të Monumentit të Natyrës.

5. Në zonën buferike të Monumentit të Natyrës ndalohet:

- 5.1. Lëshimi i ujërave të ndotura, deponimi i mbeturinave dhe mbetjeve të tjera,
- 5.2. Përdorimi i mjeteve mbrojtëse kimike,
- 5.3. Ndërrimi i kulturës,
- 5.4. Mbjellja e bimëve ose ngritja e objekteve të cilat mundën me ndikuar në pengimin e pamjes të Monumentit të natyrës.
- 5.4.1. Zona buferike e Monumentit të Natyrës si dhe hapësira rrethuese mund të rregullohet dhe të shfrytëzohet për qëllime të prezantimit me kusht që destinimet e reja nuk e rrezikojnë Monumentin e Natyrës.

6. Për zbatimin e masave dhe kushteve të përcaktuara, kujdeset Komuna e Kaçanikut.

6.1. Kujdestari është i detyruar:

- 6.1.1. Monumentin e Natyrës ta mbroj, ta ruaj dhe mirëmbajë në pajtim me kushtet e përcaktuara të mbrojtjes,
- 6.1.2. Në rast të paraqitjes të ndryshimeve të cilat Monumentin e Natyrës mundën ta shkatërrojnë ose t'i dëmtojnë vetitë e rëndësishme të tij, menjëherë të lajmëroj Institutin e Kosovës për Mbrojtjen e Natyrës,
- 6.1.3. Të bëjë shënjimin e kufijve të Monumentit të Natyrës në pajtim me Rregulloren për Shënjimin e Zonave të Mbrojtura.

7. Planet hapësinore dhe urbanistike, projektet, bazat ekonomiko-pyjore, hidroekonomike duhet të harmonizohen me masat dhe kushtet për mbrojtjen e Monumentit të Natyrës.

8. Ky Vendim pas miratimit nga Kuvendi i Komunës, hyn në fuqi 15 ditë pas regjistrimit në Zyrën e Protokollit të autoritetit mbikëqyrës – MAPL, si dhe pas publikimit në Faqen Zyrtare të Komunës.

9. Me këtë Vendim shfuqizohet Vendimi i mëhershëm 01. nr. 16-30579/15, i datës 29.09.2015.

Kryesuesi i Kuvendit
Xhelal Gashi

